

Posjeta Ekonomskom fakultetu u Sarajevu

U utorak 12.03.2019. godine studenti Ekonomskog fakulteta Brčko i učenici iz JU Ekonomske škole Brčko su bili u posjeti Ekonomskom fakultetu Sarajevo. Upriličen je obilazak prostorija fakulteta u pratnji dr. Čizmić Elvira, koji je tom prilikom upoznao naše studente i srednjoškolce sa načinom rada Ekonomskog fakulteta u Sarajevu.



Studenti i srednjoškolci su bili u prilici da vide moderno opremljenu biblioteku, prostorije namijenjene za odmor studenata te bogato opremljene učionice i amfiteatre u kojima studenti stiču znanje.



Nakon obilaska prostorija Ekonomskog Fakulteta Sarajevo, prof. dr Čizmić je održao predavanje za naše studente na engleskom jeziku na temu „We are in the age of hyperinflation“. Predavanju su prisustvovali naši studenti ali i studenti sa Ekonomskog fakulteta u Sarajevu, što je bila izvanredna prilika za sticanje novih poznanstava i razmjenu ideja sa studentima iz Sarajeva.



Nakon predavanja studenti su mogli uživati u obilasku znamenitosti grada, šetnji, šopingu, te nezaboravnim ćevapima sa Baščaršije. Nadamo se da će se ovakve posjete dešavati i u budućnosti, te da će naši studenti imati priliku da stiču nova poznanstva i iskustva.